

Testament de vigouroux

Au nom de dieu soict aujourd huy
vingt troisieme du mois de **decembre an mil
six cens cinquante six** apres midy regnant
nostre souverain et()tres chrestien prince louis
quatorse du nom par la grace de dieu roy de
france et de navarre dans la **maison** depandant
de l()heredité **de feu jacques agar** quand vivoict
marchant de villemur size dans l anclos
de ladicte ville **rue saint michel** pardevant
moy notaire royal soubzsigné et presans
les tesmoingz bas nommés establye en
personne madonne **magdalaine de
vigouroux vefve dudict jacques agar**
laquelle gisant dans ung liat a la salle
basse de ladicte maison dettenue de certaine
maladie corporelle toutesfois dieu graces
bien voyant et oyant parlant et estant en
ses bons sens jugemant memoire et
cognoissance considerant n()y avoir rien
de plus certain que la mort ny de plus

.....
iii.c.li.

incertain que l()heure non induitte ny subornee
de personne de son bon gré a faict et ordonné
son testament nuncupatif en la forme et maniere
suyvante en premier lieu a faict lé signe
de la croix sur sa personne recommandé son
ame a()dieu pere fils et saint sperict et suplié
icelluy de bon coeur luy pardonner toutes ses
fautes et peches et vouloir colloquer son
ame en son paradis celeste pour l amour de
son tres cher et bien ayme filz nostre seigneur
jesus christ et par l()intercession de la glorieuse
vierge marie saintz et saintes de paradis
a volleu et ordonne veut et ordonne la testatrix
apres que son ame sera separée de son corps
qu()iceluy soict ensepvelly au **simittiere
saint jean** dudict villemur selon l ordre
observé en la relligion catholique et
apostolique romayne dont elle faict
proffession remettant ses honneurs funebres
a la discreption de son heretier sy après
nommé item a donné et legué donne et
legue ladicte testatrix a()ysabeau d()agar

.....
sa **filhe ainee** legitime et naturelle et du
susdict feu jacques agar son mary **femme**
de **pierre brel marchand** la somme de quatre
vingtz livres t(ournoi)z ensamble tous ses habitz et
hardes servant a son uzage paiable scavoir
lesdictz habitz et hardes soudain apres son deces
& ladicte somme de quatre vingtz livres dans
deux ans appres sondict decés plus a donne
et legue donne et legue ladicte testatrix a
autre **ysabeau d()agar** aussy sa **filhe**
legitime et naturelle et d()icelluy feu agar
femme de joseph alaux aussy **marchant**
dudict villemur pareilhe somme de
quatre vingtz livres t(ournoi)z que veut et entend
luy estre paiee par son heretier cy apres
nommé dans deux ans apres sondict deces
moyenant quoy a faictes et instituées sesd(ites)
filhes ses heretieres particulieres a()ce
que ne puissent rien plus prethandre ny
demandér sur ses biens et hereditté et
en tous et chacungz ses autres biens

.....
iii.c.lii

meubles et()immeubles presans et advenir
ou que soinct et luy puissent appartenir
a faict]et[institue et de sa propre bouche nomme
son heretier universel et general assavoir
est **claud agar marchand** dud(it) villemur
]aussy[son **filz** legitime et naturel et du susd(it)
feu jacques son mary pour par icelluy soudain
après son deces en jouir faire et disposer
a ses plaisirs et()volontés et tel a dict
la susdicte testatrix estre son testamant que
veut que vailhe et soict valable par droict
de testamant ou de codicille ou de donna(ti)on
faicte a cause de mort ou disposi(ti)on de
derniere volonte et()par toute autre meilleure
voye que de droict pourra valloir cassant
revocquant et annullant tous testamans
donnations a()cause de mort ou autres
dispositions qu()elle pourroict avoir cy devant
faictes voulant que le presant soict son vray
et unique testamant a affin qu()il soict
d()autant plus efficace et ne puisse estre

.....

revocque en doubte a()pries les tesmoingz cy
apres nommes par elle faictz appeler et
recongus l()un apres l()autre d estre memoratifz
de ceste sienne volonte et()presante disposi(ti)on
et requis moy dict notaire d()en rettenir
instrument ce qu()ay faict en presance de
m(aîtr)e daniel verdier cy devant procur(eur) au sen(ech)al
de tholose jean cailhassou bourgeois anthoine
savieres vieux marchand jean malpel
tisseran alexandre grangeau serrurier de
villemur, anthoine gay filz a feu raymond
marchant de bondigous et gabriel malpel
praticien dudict villemur desquels lesdictz
verdier, cailhassou savieres gay et()malpel
ont signe avec moy notaire lesd(its) testatrix
et grangeau ont declare ne scavoir

Calhassou, p(rese)nt Verdier, p(rese)nt

Gay

Savieres

J. Malpel

Malpel, p(rese)nt

Custos, not(aire) r(oyal)

Y a **quittance** de
quatre vingtz
livres faicte
par **joseph alaux**
marchant mari
d ysabeau d()agar
plus jeune escripte
sur mon registre
cé **quatorziesme**
d()avril mil six
cens cinquante
neuf

Custos
not(aire) r(oyal)

Plus y a **quittance**
faicte par
ysabeau d()agar
vielhe des
quatre vingtz
livres et hardes
a elle donnees
sur mon reg(ist)re
de ce()jourd huy **9^e.**
janvier 1661